

GIPUZKOA

Gipuzkoako sagastiak bultzatzeko plana

Bertako sagardoa ekoizteko sagarrondoan landaketa indartzeko plana adostu du Foru Aldundiak sagardogile elkarteekin



Villabonako Otalarrea etxaldean egin dute aurkezpena. / GFA

DV | DONOSTIA

14 junio 2016
15:46

Gipuzkoako diputatu nagusiak, Markel Olanok, eta Ekonomia Sustapena, Landa Ingurunea eta Lurralde Oreka diputatuak, Ainhoa Aizpuruk, Villabonako Otalarrea etxaldean eman dute gaur ezagutzera

bertako sagardoa ekoizteko Sagarrondoan Landaketa Bultzatzeko Plan berria, lurraldeko sagardogileen ordezkari nagusiekin batera. Aldundiak kudeatzen duen etxalde honetara egindako bisitan izan dira, baita ere, Ibon Aburuza eta Oihana Gainzerain, Gipuzkoako Sagardogileen Elkarteko eta Sagardoaren Mahaia Elkarteko lehendakariak, hurrenez hurren. Olanok eta Aizpuruk eman dute egitasmoaren berri, zeinekin bilatzen den gure "sagardoaren kalitatean salto esanguratsua" ematea, sail berriak egokituz eta sagastiak landatu nahi dituzten ekoizleei lagunduz.

Ekimen hau lurraldeko sagardogileak batzen dituzten bi elkarteekin adostu da eta, akordio horren arabera, Foru Aldundiak sagastien zabalkundearen bultzatzeko konpromisoa hartzen du. Batetik, baserritarrek nahiz sagardogileek eurek egindako landaketa berriak diruz lagunduko dira. Bestetik, sagarra ekoizteko proposak diren herri lurrak bilatuko ditu, ekoizleei utzi eta haiek landu ditzaten. Aldi berean, lur-sail horietan lortutako fruitua bertako sagarrarekin egindako sagardoa ekoizteko erabiliko dute sagardogileek, zeinek kalitate marka publikoaren araudira egokitzeko konpromisoa hartzen duten.

Markel Olanok diputatu nagusiak azaldu duen moduan, sektoreak bizi duen "arazo endemiko" baten inguruan egindako gogoeta konpartitu batetik abiatzen da aurkeztutako plana. Hau da, kalitate handiko sagar gabezia dago bere jatorrian. Izan ere, azken urteotan asko geldotu da sagasti berrien landatzea, besteak beste, sagardotarako sagarraren erretabilitate baxua tarteko.

"Errealitate honen aurreak diagnosa partekatu dugu eta lan-ildo bat adostu dugu, sektoreari bere osotasunean irtenbide konpartitu bat eskaini nahian. Erantzuna ematen diogu, gainera, lurralderako oso garrantzitsua eta emblematikoa den sektore bati. Horrela, alde batetik, landa inguruetako ekonomia aktibitatearen balioa azpimarratu eta babesten dugu, berekin dakartzan kohesio mailako eta paisaiaren arloko balioak kontuan hartuz. Bestetik, produktu baten kalitatearen aldeko apustua da, sektorearekin batera gure egiten duguna, ezagututa gainera sagardoak atzean dituen ohitura eta kultura aberatsak", adierazi du Olanok.

74 sagardotegi Gipuzkoan

Lurraldean 74 sagardotegi egiten dute sagardo naturala eta, hain zuzen ere, guztien artean 9,5 eta 10 milioi litro ekoizten dituzte urtean. Gutxi gora behera 13,5 milioi kilo sagar behar dituzte horretarako eta fruitu horretatik lortzen duten sagardoak 15 milioi euroko balioa du merkatuan, orotara.

Gipuzkoako sagastiei dagokien, 1.100 hektarea sagarrondo daude lurraldean, eta 5 eta 6,25 milioi kilo sagar ematen dituzte gaur egun, urte ona ala txarra izan zifrak aldatzen badira ere. Ondorioz, Gipuzkoak 7,5 milioi kiloko hutsunea du sagardotarako sagarretan, eta horregatik beste autonomia erkidego eta herrialde batzuetatik inportatu behar izaten dute fruta. Horrek esan nahi du urtero 1.860.000 euroko alde egiten dutela Gipuzkoatik, behar adina sagar ekoizteko modurik ez dugulako. Aipatutako defizitari aurre egiteko, berriz, kalkulatu da 310 hektarea behar ditugula lurraldean.

Gipuzkoako Foru Aldundiak 1984an ekin zion sagarrondo landaketak bultzatzeko plan bati. Egitasmo haren ondorioz, azken 31 urteotan 81,72 hektarea landatu dira Gipuzkoan. Hala ere, azken urteotan azalera berrien landatzea geldotu egin da.

Baita ere ikusi da gaur egungo sagardoak baduela kalitatearen arloan zer hobeturik, bai organoleptikaren ikuspuntutik, bai kalitatea denboran zehar mantendu ahal izateko. Gainera, sagardoaren salmenta prezioak baxuak dira, ez da produktuaren kalitatearekin proportzionala eta kalitate ezberdineko edariak antzeko prezioa izan ohi dute.

Sagar gehiago behar

Errealitate honen aurrean, "Gipuzkoan egiten den sagardo guztia bertako sagarrarekin" ekoiztea da Sagarrondoan Landaketa Bultzatzeko Planaren helburua, Ainhoa Aizpuruk azaldu duenez, sagardotegiaren eta berekin duten kulturaren "jasangarritasuna eta biziraupena" bermatzeko modu egokiena delako. Hori lortzeko, baina, ezinbestekoa da behar adinako sagar produkzioa lortzea, sagardogileek kalitateko produktu batekin lan egiteko aukera izan dezaten.

Sektoreak bizi duen egoeraren aurrean, Foru Aldundiak erraztasunak eskaini nahi dizkie sagardogileei, lur-sail proposak eta finantziario plan egoki bat prestatuz. Sagardogileek, berriz, marka publikoaren babesean prestatutako kalitate plangintza batean sartzeko konpromisoa hartzen dute. Horretarako ere Foru Aldundiaren babesa eta Eusko Jaurlaritzaren kontrol eta egiazapena izango dute.

Aldundiak lehen bost urteetako hasierako inbertsioa diruz lagunduko du, sagarrondoak fruitua ematen hasten diren arte -11.500 euroko langintza hektarea bakoitzeko-, eta landaketen inguruko hobekuntza, aholkularitza eta formazioa eskainiko dio sektoreari. Aizpuruk gogoratu duenez, plan berria martxan jartzeak "landaketen inguruan sortzen diren lanpostuen sorrera ekarriko du, erabilpenik gabeko landa eremuen biziberritzea ekarriko du eta sagardoaren ezberdintzea eta kalitatean" aurrerapausoak emateko balioko du.



¿Soltero y mayor de 40?
Juntamos PAREJAS afines a ti,
gracias a nuestro test de
afinidad.
www.eDarling.es



IVI-NA-ZOI
i3 botellas 25cl Sacacorchos y
transporte gratis
www.vinosseleccion.com/ViñaSastre



DONOSTIA

51 %

Circuito termal de 60 minutos,
disfruta del relax absoluto
Spa Sasobide - Hotel Costa Vasca

20€ 9,90€ LÍvateLo